

hanc modò illam personam in vitæ humanæ scenam introducat. Idem etiam in Principibus videre licet : nunc in lucem eduntur , & infantuli in matris sinu foventur : mox adolescentes & pueri equitant in arundine longa , quod Agesilai historia comprobat : nunc literis conseruantur , & ad gubernandum Reipub: clavum præparantur : mox ex Ephebis egressi frena regni moderandi trahant , atq; aurea gloria diffluunt : tandem fabula in hujus vitæ scena bene peracta , de theatro mundi migrant , & è consuetudine mortalium eximuntur. Mors enim it per omnes , ut scitè ac piè Seneca ait. Quid ergo interest , citius an serius exeat is , cui necessariò exeundum est ! Non ut diu vivamus , curandum est , sed ut bene : & acta vita metienda est non tempore , sed meritis ac rebus preclarè gestis.

Defunctò Seren. Dn. Parenti in regno Rex noster successit , & statim Sueciæ Rex declaratus & inauguratus est : cumq; annus ætatis ejus currens XXIV. appropinquaret , secundum regni constitutionem IV. Iduum Octobris Anno supra millesimum sexcentesimum decimo septimo secunda admur muratione coronatus est. O dignum tanto Parente successorem ! O regnum tanto rector Felix & auspiciatum ! Biantis dictum est , magistratu indicari , quantus vir quisq; sit. In imperio Rex GUSTAVUS Patris virtutes æmulabatur , imò superabat potissimas , justiciam & beneficentiam , quas verè quis siue columnas sive animas regni dixerit. In his enim magis elu-